

■ OR DA LA VITA DA LUDMILLA CAHENZLI

Far oraziun per canortas

Mintgatant capitan catastofas. Ina damaun s'annunzia mia chasarina che lavura dus dis l'emna tar mai e di: «Jau hai dolurs il dies e na poss betg vegnir oz.» Jau, che sun pinada dad ir a lavurar, poss trair ora chalzers e giacca e restar a chasa. Per fortuna n'hai jau naging termin urgent, pens jau e spost mia lavur sin la fin d'emna. Lura po Eugen guardar dals uffants. Quai fa bain ad el, uschiglio emblida el anc in di quants uffants ch'el ha schendrà.

La vaira catastrofa capita dentant pir in'emna pli tard. Igl è puspè la damaun marvegl. Quella giada telefonscha l'um da la chasarina: «Ad interim na po mia dunna betg vegnir. Ella ha ina discushernia e sto vegnir operada.» Jau dun bunamain vi da mauls. Betg perquai che mia paupra chasarina vegn operada. Na, jau stoss conceder senza sentimentalitads ch'jau, Ludmilla Ca-


vischina – ella è gea mamma dal di. Va era betg! La davosa giada ch'els èn stads tar ella han els fatg suenter sco sch'els fissan bunamain morts da la fom. Sch'els ston puspè ir tar la vischina, datti ina revolta.

Jau prend congedi. Va era betg! Hai gea gist già congedi il mais passà.

Jau prend ina racheta e fugel sin la glina – na, ozendi van ins sin il mars – ed jau na turn mai pli. U pir cura ch'i dat en mintga vischnanca svizra canortas d'uffants. Canortas dal di! Be per dus dis l'emna! Be per quels dus dis ch'jau hai dad ir a lavurar!

Jau sent ch'jau tegn faudà ils mauns sco per far oraziun. Il pli gugent stess jau anc en schanuglias.

Tezza la culpa, Ludmilla!, di jau a mamezza. Tia mamma ha adina ditg che ti duajas ir pli savens a messa e far oraziun. Ussa na gidi nagut da tegnair



ILLUSTRATURA YVONNE GIENAL/WWW.YVONNE-GIENAL.CH

henzli, ma dumond avant che star mal per mes concarstgaun: co fatsch jau ussa dad ir a lavurar?

Jau tragutt immediat in'entira tavla tschigulatta. I ha sulet ina en frestgera. Suenter avair endultschì mes frust, prend jau in fermezza café e sun plaunsieu puspè abla da pensar logic.

Co fas ussa tes job il proxim temp? Quai vegn bain ad ir insaco. Ti has gea be in pensum parzial.

Jau lavur simplamain adina la fin d'emna. Na, quai na va betg. Suenter duas emnas fa Eugen il streiken.

Jau lavur, cura ch'ìls uffants èn en scola. Nunpussaivel. In uffant u ina scolasta è adina malsaun.

Jau lavur la saira. Va betg. Suenter duas emnas sun jau en il Beverin.

Jau tramet ils uffants a gentar tar la

mauns a Dieu. Ussa na pos betg rugar a la svelta per canortas d'uffants. Quai dovra blers paternoss, sche betg schizunt rusaris. Ussa has la merda, Ludmilla!

Suenter mes'ura vegn jau puspè giu da mes trip religios e decid: Ludmilla, ti dovras exnum ina nova chasarina fin che la veglia è puspè en gamba. Jau scriv in cedel e vom en il migros a pender si l'inserat.

Co ch'ins pudess organisar ina procession per canortas, hai jau lura temp da ponderar, sco ch'jau hai puspè ina chasarina.

Il cudesch pon ins retrair online tar Lia Rumantscha www.liarumantscha.ch (http://www.liarumantscha.ch/sites/content/online_shop.html?shop:view=details&shop:productid=2830) u tar mintga libreria